



LAMKA CENTRAL PRESBYTERY HAWNNA



TANGPHAI PROVISIONAL SYNOD
OFFICE STAFF - 2025



LAY LEADERS' TRAINING
LEILON PASTOR BIAL

To,

If undelivered please return to - TPC Office,
P.O. Box - 107
D. Phailian,
Churachandpur - 795128
Manipur, India



ESTD. MARCH 2008

MAY 2025

Monthly Christian Magazine

Hinna Vâk

AN ORGAN OF THE TANGPHAI PRESBYTERIAN CHURCH

*Chanchinpha hün tütute keng chu
a mēlpha nalamn lamm e!*

CHANCHINPHA GEN

- Khanglaite leh Lal Nasepna
- Mulawkna Tawh Lalpa Nasep
- Los Angeles Meikang leh Sodom & Gomorrah

EDITORIAL | SERMON | KOCHUAM HUANG | REPORTS | SŪNNA ETC.

Editor : Rev. Kamkhotinthang Neihsial,
Executive Secretary

Joint Editors : Rev. C. Lalremruata, Consultant
: Rev. Luttinlel
: Rev. Khaisonhang Vaiphei
: Upa Thualkholian
: Upa Nengsuanhang
: Pi Neikhovak, Secretary, CKNP
: Tv. Lianmuanhang, Secretary, CKKP

Business Manager : Tual Upa Langlalthamuan
TPC Office D. Phailian
P.O. Box 107 CCPur-795128 Manipur
Phone No. +91 9958160325
Email - ehinnavak@gmail.com

Kum khat lak man : Rs. 150.00

A man penuam leh a la thak nuamte'n Business Manager kiang ah hiatsak di.

A SUNGAH THU UMTE

1. EDITORIAL	01
2. KOCHUAM HUANG	02
3. CHANCHINPHA GEN	04
4. KHANGLAITE LEH LAL NASEPNA	10
5. MULAWKNA TAWH LALPA NASEP	18
6. LOS ANGELES MEIKANG LEH SODOM & GOMORRAH	24
7. GUALZAWNA THUGUK PAUCHAPNA	27
8. GINGTUTE TAKSA THIANTHONA	30

SYNOD PUIPATE

Moderator : Rev. Vanlalchhuanga
Secretaries : Rev. Andrew LR Khiangte (Sr.)
: Rev. Summinlian (Jr.)
Finance Officer : Upa Tinliankham
Statistician : Rev. Thianganlim
Executive Secretary : Rev. Kamkhotinthang Neihsial
Consultant : Rev. C. Lalremruata

Hinna Vâk ah thu kisua zosia hi Editor ngaidan a hi suak puai

Pauchapna Thupi:



1. Bial Kikhawmpi lawting tak ah i mat thei ziak un kipakthu gen hitiu. Leilon Pastor Bial inle lawting tak ah a mat theina ding un pauchappi hitiu.
2. Kochuam Ni pawimaw (Missionary Day) Kochuamte'n Taksa leh Thagau ah malsawmna tamtak tawh i mat chiat theina ding un pauchap hitiu.
3. Missionary mun chuam chuam ah um te â ding in pauchap hitiu.
4. Rostad Memorial High School ah Zillaite leh Zilsaktu zosiate â ding in pauchap hitiu.
5. Gamsung buaina ziak ah panlatu pawl chuam chuam ah puitute â ding in pauchap hitiu.



LAY WORKERS' RETREAT

Hinna Vâk simtute zosia Missionary Day Dawisakna Chibai ka hun lân hi.

Tukum Missionary Day hi Chanchinpha i dawn nung uh kum 115 a tinna a hi tai. Zia Ni hi Kochuamte Ni pawimaw tak a hi. Kochuamtin in Kikhawpna guanggal in thilpiak kichawikhawmte chu Office lam ah piak lut ahia, Missionary Nasepna ah matchak a hi sek hi.

Lalpa Jesu'n gingtute ei thu vaithak thupi pen chu, "*Muntin ah mi zosia kiang ah Hukdamna Chanchinpha puanzak*" hi a hi. Zia hi Kochuamte na pawimaw tak chu a hi. Zia chu hezing in Kochuamte'n Chanchinpha nasepna hi ngaikhawk zaw diak in pan la zêl hitiu.

Chanchinpha mutute chu Khrista Chanchinpha tawh kituak ah hing di i hui (Mat. 5:16). Khristiante hi chi gual ah al di bep hilo in thim salvâk di le i hui. Kochuamte chu i umnau taphawt ua vâk zing di leh i kiang kimvelteu salvâktu di i hui hiat a pawimaw hi. Munthim ah umte vâkna pe di leh salvâktu di chu kua dang hilo in Kochuamte i hui. Ginglotute tawh kikhiakna nei di a hi. Gingtu la hina zachatpi kin. Namtin salvaktu ding ah guat i hui (Jos. 49:6).

Chanchinpha hinpi Kochuam leh Khrista Hiatpitu Kochuam hi gaw zing hitiu (Nas 1:8). Jesu'n, "Pa'n kei ei sawl gual in nang uh le ka hun sawl a hi" a ti ngal a (Joh 2:21). Alan Richardson chun, "**Chanchinpha puanzakna nasep neilo Kochuam chu Mission Field a hi ngal hi**" a tia. Khawvel mun zosia ah Chanchinpha puangzak ding ah sawl i hui (Mat. 28:16-18). Chanchinpha nasep hi mi zosia sep makmaw a hi. Zia nasepna ah chun la pang kha na'm?

Lalpa'n simtute zosia malzawl chiat ta hen !



Kochuam Huang

Lamka Central Presbytery hawna

Synod Kikhawmpi 3:III (11); OM 35:4; OM 38:15 dt. 20.01.2025 dungzui in 29 March 2025 (Kiginni) in Lamka Central Presbytery thak hawna, Jubilee Kochuam Biak In ah Rev. C. Lalremruata, Consultant in a nei hi. Presbytery thak hawn a hi zaw in Special Presbytery Kikhawmpi Vaihawmna leh Pathian Biak Kikhawpnate nei zawm a hi.

Pastor Bial Kikhawmpi

Ni 25-27 April 2025 sung in Pastor Bial Kikhawmpi Pathian kithuapina tawh Pastor Bial 20 te'n malzawlina tamtak tawh i mat chiat uh kinep a um hi. Rev. Khuplemlal i/c Leilon Pastor Bial dam thiang nailo ki-enkaw! zinglai a hi zia! in Leilon Pastor Bial in Bial Kikhawmpi a mang thei tadi puau.

Kochuam Ni Pawimawte

April thasung ah Kochuam Ni Pawimawte (Palm Sunday, Maundy Thursday, Good Friday, Easter Sunday) te Pathian umpina zal in Kochuam tinte'n i lemchan dan chiat un i mangzo

thei ua kipak a um ma ma hi. May thasung ah Kochuam Ni Pawimaw (Missionary Day) hi Kochuam te'n Taksa leh Thagau ah lawting tak ah i mat chiat thei ding uh i kidawisak a hi.

RMHS Contract Teacher lakna

Synod Service Board 14:4 dt. 04.04.25 dungzui in Rostad Memorial High School ah Contract Teacher nâ sem ding (Graduate Teacher 1 leh Undergraduate Teacher 1) in a nuai ah kitaklangte hi lak ahui:

1. Graduate Teacher ding in Kaplemlal, S. Munnuam
2. Undergraduate Teacher ding in S. Kamminlian Vaiphei, S. Kawtlian

Leilon Pastor Bial vethakna

Ni 11-13 April 2025 sung in Rev. Kamkhotinthang Neihsial, Executive Secretary tawh Revival Speaker Tv. St. Satboi leh a Team-te'n Leilon Pastor Bial vethakna nei in, Leilon Pastor Bial sung ah Kochuam tin ah Lalpa Zan An Sacrament Executive Secretary in a guanggal a, Pathian Biak Kikhawp hun in Tv. St. Satboi in Thugenna hun a mang hi. Chuleh, L. Suangtun Kochuam Biak In mun in Lay Leaders' Training le a nei thei ui.

HINNA VÂK

Pastor Bial vethakna

Rev. C. Lalremruata, Consultant in Tanggam Presbytery sung ah Phailianbung Pastor Bial leh Phaipheng Pastor Bial sung ah Kochuamte vethakna Ni 5&6 April 2025 leh Ni 12&13 April 2025 te in a neithei hi. Chuleh Munpi Pastor Bial, Pastor Quarters leh D. Khawzim Pastor Bial, Pastor Quarters le a va vetha thei hi.

MT Geltamjang Camp/ Crusade

Office guanggalna in Ni 17-24 April 2025 sung in Revival Speaker Pu Kamzathang leh a Team te'n Panglian Pastor Bial sung ah MT Geltamjang Kochuam ah Revival Camp/ Crusade lawting tak in a va mang thei ui.

SUNDAY SCHOOL TRAINERS' TRAINING HUN MAT DAN

Ni 1 May 2025 (Ningani)	
10:00 a.m. – 10:30 a.m.	Registration (Min ziklutna)
10:30 a.m. – 11:00 a.m.	Kilawpna leh Thumasa – <i>Rev. C. Lalremruata, Consultant</i>
11:00 a.m. – 12:00 noon	Child Psychology, Zilsak Dan leh Discipline – <i>Pi Hoibetty</i>
12:00 noon – 12:30 p.m.	Tea Break
12:30 p.m. – 01:30 p.m.	Sunday School Pawimawna – <i>Rev. Kamkhotinthang Neihsial, Executive Secretary</i>
01:30 p.m. – 02:00 p.m.	Break
02:00 p.m. – 03:00 p.m.	Child Evangelism – <i>Upa Dr. Soilalsiam</i>
Ni 2 May 2025 (Simhaini)	
10:00 a.m. – 11:00 a.m.	Zilsaktute Mawpuakna – <i>Rev. Vanlalchhuanga, Moderator</i>
11:00 a.m. – 12:00 noon	Kikaihuaina lam – <i>Upa Lalbiaklian Vaiphei</i>
12:00 noon – 12:30 p.m.	Tea Break
12:30 p.m. – 01:30 p.m.	Sunday School pha nei didan - <i>Rev. Andrew LR Khiangte, Synod Secretary</i>
01:30 p.m. – 02:00 p.m.	Break
02:00 p.m. – 03:00 p.m.	Discussion (Q&A)

CHANCHINPHA GEN

~ Rev. S. Khaikholam
i/c Sumtukphai Pastor Bial

*“Ziaziakchun chiau inla, namtin lak ah mi nungzui in siam
unla, Pa leh chapa leh Thagau Thiangtho min in Baptis
un. La kiang ua thu ka piak zosia hi zaw ding in zialsak un,
kumkhuon khawvel tawp tiang in la kiang un um zing ding ka
hi ti hezing un” a tia. Matthai 28:19-20*

1. Chanchinpha gen a kûl dan:

A chung ah Bible chang kipia sung ah Jesu’n a nungzuite Chanchinpha gen ding ah a sawl hun hi, ama Jesu ngei Van lam ah puito ah a um di kuan cha a gen ahia, a nungzuite â ding ah a thu vaithak nunung pen a hi (Mar. 16:19). Zia zia chun Chanchinpha gen ding ah thu vaithak hi Jesun a ngaikhaw pen a hi zia a hi. Mihingte hile i thi di kuan ah i kithu vaithak sek teu chu, a damlaite’n a hun bawl ding ua i ngaikhaw penteu a hi sek hi. Thi di

kuan thu vaithakte chu a damlai ten a khentak teu a lungsiat ma mau a hi chun a vaithak gual ah sukpitinna na chu kithalawp tak in a sêm dawk sek ui. Zia ngei chu Jesu hepituten i bawl ding ua pawimaw pen a hung hitai.

Chuleh, Jesun a nungzuite Chanchinphagen ding ah a sawlna chu “The Great Commission” a kitia, zia chu sep ngei ngei ding ah thupiak a hi. Gingtute hin zia Chanchinpha gen nasep hi i nawp i nawplo thu ah i kaw thei di chi a hi pua, i bawl ngei ngei ding

HINNA VÂK

ua thupiak a hi. I haksat- i buai leh mîtmawna chuam chuam suanlam ah kilepsan thei a hipuai. I pan theina munu chu vang kibang pua'na, eima taksa ngei ah kuandawte, Inmun ah sum leh pai a hilo leh pauchap ah pante, i umchan ua Chanchinpha gen ah pante leh a dang dang eimau mazawn chiat ah i pan ngei ngei diu a hitai. Zia nasepna hi a pawimaw mama zia in gingtu zosia chu phutlui i hi mai uh a hi. Zia Chanchinpha gen nasep hi mihingte kumtuang hinna leh kumtuang thina thu ahi zia in a kûl takzet a hi. Chanchinpha i genlo zia ah migilo a thi a hi chun a thisan phuba chu eiu chung ah lâk hi di a hi (Ezk 33:8)

2. Chanchinpha gendan chi 2 te:

Chanchinpha gendan chi 2 in a khen thei a, a pakhatna chu Rifle chang kap ah kap ahia, a panina chu musêp chang kap ah kap a hi. Rifle chang kap ah kap pen chu – tup leh ngim kichiantak nei

ah Chanchinpha genna a hi. Gam kihawng, zât leh nam têt chuam, a hung pitin masiau umpi leh mapui gua kipat daw a hi. Jonai lam ah i la sepnau kha le ziate lak a hi pansak thei hi'na.

A panina musêp chang kap ah kap ti pen hi a hileh tup leh ngim chuam takluat umlo ah gen suk mai ziang di, a dawng kha kha vangphai himai di ti gual deu a hi. Chuleh, ziagual nasepna hi i Lalpau Jesu thupiak ngaikhaw takluat zia ah mi zosia kiang ah kinaw deu ah gen guatna lam a hi. Mi hausa Arthington in Mizoram ah kum 2/3 sung sêm di, a zaw leh midangte kiang ah sêm ding ah kichawn kit ngal ding ah mi 2 Lorrain leh Savidge te a hun sawl gual deu a hi.

A panina zawk hi Thagau mangthai dite ngaituana ah kinaw um tak leh thagaumît huai bangma leh gingthakte pitin masang ah nutsiat ziang ngai a hina

hin a gasua zolo nuam ah,
zia zia chun a pakhatna
zaw gual a sep hi a hung
gasua zaw nuam hi.

3. Umpi ding ah thutiam thamuan um:

I Lalpau in Chanchinpha
gen ding ah a hun sawl
lai in *condition* thamuan
umtak tawh a hun sawl hi.
Va sêm unla la suak suak
uh suak tau in tilo hial in,
kei khawvel tawp tiang in la
kiang un um di ka hi ti tawh
a hun sawl a hi. I insung, i
hiselna, i hiatna, i dinmun
chuam chuam te et in
ziagual ah Chanchinpha gen
ding ah kipatdaw san ngam
di gual hilo le i sa maithei.
A hinla ziagual i dinmun ah
haksatnate le hezing pum
in Lalpan a hun sawl a hi. A
gam leh a felna hawl masa
phawt phawt leuchun zia
la insung â ding ah kivat te
leh nangma mimal ngei â
ding ah kivatte chu Lalpan
hun pe mai ding ahi zaw
a hi. Nasemlo vachate,
patkhêklo pakchate bawn
Pathian in ngaitua a hi chun

nangu thei kham kham ah
nasem tute chu hun hemil
lo hial di a hi, ati a hi.

4. Lalpa sawlna gual ah seplo a lau umdan:

Peter te lawicha hawn chu
i Lalpau in a damlai ah
mihing man ding ah a guat
dante, a man a chiasan
ding thu leh ama umlo
nung ah a sep didanu a
gente haw hepha talo in a
naksak puau. Peter chun
sanga man in chiangka e,
ati leh a lawi dangten keile
keile a ti sau sau ua, Tiberia
dîl lam ah chun lên a vasesp
tau hi. Ahinla zan khawvak
in sep maleu sanga chu
pakhat cha le a man puau
hi. A zia chun Lalpa tina
lam ah a kuanlo ziaku a hi.
Lalpan Chanchinpha gen di
ziagual lawm ah ngaikhawk
a, a vel a vel ah a gen chu
a limsaklo zia un a lawsam
kei tau. I hinkhua ah i la
lawsapna chuam chuamte
haw hi phatak in kisui kit
leuhin, Lalpa tina lam ah i
kihei khaklo ziaku hi kha
thei a hi, Ahinla Lalpa tina

HINNA VÂK

lam ah lên a se phat ua
chun a kaidaw la hial ding
uh sanga a man ngal tau hi.
Lalpa thu mat chu lawtinna
a hi.

5. Chanchinpha genna ah Thagau Thiangtho:

Masawntak ah gamthak
lakna ding ah chun Thagau
Thiangtho thuamna i
pawimaw ma ma ui. Peter
leh a lawite hawle Thagau
Thiangtho thuam masang
ah chun a lauthawng ua,
genngamlo ahau ui. Thagau
Thiangtho in a hun thuam
phat a chun hangsan tak
in Jesu chu Messiah ngei
ahi dan a hun gen ngam
tau a, Pathian in a umpi ah,
mi sang tamtak tak nisîn
in a hung kibelap zel mai
tau hi. Lungthim munkhat
ah a umdan teu, Thagau
Thiangtho thuamna ziak
ah a thil mak bawlthei dan
teu, kidawisaktua tak ah a
nei a lamu leh a sum leh
paiteu a kikawp ngam mai
dan teu chun mi dangte a
zo ma ma mai a, gingu chu
nisiin in a kibelap zung zung

ziang tau hi.

Eiu haw lak ah
Chanchinpha hung tundan
hile ziagual deu ma chu
a hi. Thagau Thiangtho
nasepna ziak ah Wales
gam halna in a hun
sêpdaw Watkin Reberts
chu Aizawl hung tung in
Gospel Johan bu copy
104 chu chaw in a thawt
zâk a, copy 1 chu Senvawn
hausapu, Pu Kamkhulun
Singson la chang hi. Ahin
a thu a hiatthiamlo ziak
in a thawttute ma chu
hilchian ding in a ko a, i Pu
teu Thangkai leh Lungpau
te chu hun pui in Senvon
hung lut in Chanchinpha
a hun gen ua, ei hawn le
i la dawng tau hi. Ziagual
ah Chanchinpha i la dawn
theina zia ku chu Thagau
Thiangtho nasepna ziak
ah Wales gam halna in a
hun kaisawn a hi. Gamthak
nasep masawna ding ah
chun Thagau Thiangtho i
mamaw ui.

6. Chanchinpha gen ziak ah thawkna

Van Lal chapa Jesun Van ah
kipat Chanchinpha lei ah a

hun puaklut ziaak in muda leh engbawl in a um a, a thawk di chu huphul ma ma in a hithei liai chun pumpel sak ding in a Pa kiang in khawsa ul thisan ah pût hial in a dawn hi. Himaleh, chunglam ah kipakman mu di thîl zing pum ah a thawk ziaak in Kraws chu a la thuak mualsuak tai. Apostolte leh gingtu masa ten le ziagual ma chun thuak in a la Martyr zo tau. Stephen vang chun chunglam en ah nuihiau zing pum in a la thuak mualsua hi.

Eiu lakah Chanchinpha hun pawlut masate chun le a In leh lou leh gam hausatak leh nuam takte nusian haksatna tamtak a la tuak chiat ui. Watkin Roberts in Chanchinpha Johan zik a chawk na Savidge leh Lorrain te lawichan thawkna bang chu a lopi hi. Sairang ah lawng ah a hung kumdaw phat un a puanu leh van lawm teu chu gawzawl in a hun zawn ua, sap vakvai ti

ah ho leh musit in a la um ui. Aizawl ah a giak bûk ua khaw mite zân ah vachia in meithal a va dawn ua, amau chun ka nei ui ti leu lah zuau gen hi di, ka nei puau ti leu lah zuamthaw ah a luchangu a lak diu a lau ua, a tawp ah thu dik gen ah ka nei puau a tiu leh a dawnte chu a kilekit ua, a zing khawvak ah a thu umdan a hun hiat uleh, khawgal ah sakhi hawk kap na di dawî ah vadawn a la hîu. A dinmun diu i ngaitua leh Khrista zal ah a In a lou nusia a thawk ngamnau a lopi hi.

7. TPCS le kipat i gua tau

Mizoram Synod ah kipat i inchuan masiau chu amau ei seppi dan dan chu i sep danu a hi mai a, 2018 ah kipat budget chuam i nei nung unle amau nuai ah sêm zing i hiziak un amau sepna mun mun chu eiu a le a hi a ti thei tho hi. Ahin 2022 kum ah Synod chuam ah i hung um ua kipat a chunggamthak lam ah sepna

HINNA VÂK

i hun ngaikhawk ua, 2024 Synod Kikhawmpi chun i income ua kipat 40 percent chu gamthak nasepna ding ah kawi di i ti gual un kawi a hitai. A kipan til i hiziak un zia 40 percent hi Gamthak nasep kisingsak lawkna ding ah pan lakna masapen a hi.

Gamthak nasepna hi i Lalpau ngaikhawk pen ahi iti tau a, a matna lam le i suk tam tial tial diu, petuten le gamthak lam â ding ah i kisiak diak diu a kûl tai. Gamthak nasepna lam ah mang keilo ah sum leh pai lam ah tu ah i dinmun tiangu tung ihu a, tu ah i dinmun uh *maintain* to zêl ding a chun sum senbena ding ah gamthak lam â ding ah 40 percent budget ah i kawithaku chu i mubeu hung ngai di a hi zia in thilpiak lam ah le i kisiak to zelu hung pawimaw di a hi.

8. Thukhakna:

Chanchinpha gen hi ei sawltu pan gingtute bawl

ding ah a ngaikhawk pen ahia, a thu awite chu bangtik inle a thatham ngaipuai. Zia nasepna chu khawvel ah i dam ziaak pen le a hi. I khawvel kihei dante i et chun zia nasep hile sawtpi sep thei di kinep a um tapuai. Khawvel hi sakhua thu leh chi leh nam ah kidaidannan a dim zota, ngai muang tak ah um hiat hiat theina chi le ahi tapuai. I gam un eiu haw hi minority ihu a, majority ten i chung un bang a hun bawl diam uh ti genthei a hi tapuai. Bang chu hileh gingtu masa te leh Missionary masate hinkhua ah kipat ettawn di tampi tak inei ui. A kipumkhatna hinkhuateu, thi tiang ah ginum ah a umna teu zia kin Chanchinpha chu miten pawmtak ah ngai in a kithe zak hat mama mai hi. Van ah ikipakman diu thil zing pum in Chanchinpha gen nasep chu hangsan leh theitawp sua in sêm hitiu.

KHANGLAITE LEH LAL NASEPNA

~ Rev. Th. Mangthianlal
Coordinator, Transform Manipur Movement

“Thilpha hi'ding ah Khrista Jesu ah chun siam ah um in, ama khutsuak i hingal un; zia thilpha hi' chu i khawsak dan ding ua Pathian in a siamkholsa ahi.” Ephasate 2:10

“Ama ah chun thil bangkim, van ah umte, lei ah umte, mu theite, mu theilote, lalchutphate tawh, thuneinate le, bangkim ama â ding leh ama zia ah siam ahi.” Kolassa 1:16

1. Thumapui

Pathian mapuina zal in tulai ahin Lal nasepna lam ah lunglut leh Lalpa kouna kichian tak mai dawng i kochuam ua khanglai lak in le i pun be deu deu tau ah. Lalpa Pathian lopina i piau a hi! Zia chu a hi zing lai in, khanglaite'n i hiat ding pawimaw mama Lal nasepna lam tawh kisai gen hi tiu.

2. Khanglaite leh Lal Nasepna pawimaw khenkhatte

1) Thagau lam ah dik

Tulai mi tamtak hi thagau

lam ah kichian lo ah Pathian na sem ding ah Bible zil a la um kha sek hi. Amau haw hi khawvel kochuamte'n a buai khat a suak tau. Lungthim leh taksa ah Thagau Thiangtho panpina zal ah kikawi thiangtho hi a pawimaw ma ma hi. Lal nasepna taksa lam ah felna leh lungthim lam ah pilna hi a pawimaw masa pen a hi puai. Thagau lam ah felna leh dikna hi a pawimaw masapen a hi.

HINNA VÂK

Lal nasem ding ah kisate â ding ah pawimaw chu, Johan 4:6 ah Jesu'n a gen *"Kei lampi leh thutak leh hinna ka hi"* a ti pen hi ama mimal ah pawm tak tak ah pawm leh hinpi a hi di a hi. Matthai 4:19 in *"Ei zui in"* tia Jesu in chialna a bawl pen hi ama mimal tak ah kona dawng (Eph 4:1 cf. 1 Kor.7:17) ah a hiat a kûl hi. Chun, Luka 22:42 ah Jesu'n Pa Pathian kiang ah a pauchap gual ah bangtik lai ale Jesu nung a zuina ziagual lungput leh pauchap dan ah pauchap zing thei ding ah a kipiak daw di a hi - *"Keima thu hilo in nangma thu hizaw hen!"* Zia thagau thuguk chu ahi dungzui in Johan 21:18 hi bangtik lai a le Lal nasem ding ah kisa khanglaite'n la hinkhuau ah la ngai pawimaw ding a hi: *"La naupan lai in nang in la kawng la kigâk in, la nawpna lam lam in la chia sek hi. La hung upat phat leh vang, la khut jak in la*

tin, midang in la kawng hun gâk piak intiu in, la chia nawp lona lam lam in hun kai in au."

2) Lalgam nasepna lungput dan dik

Lal nasepna hi nek hawl na leh sepna muna hilo, Lal nasepna a hi! Ngaidan diklo chu Lal nasepna hi sum leh pai muna leh sepna muna dan ah lak hi a hi. Ziagual ngaidan chu Pathian kipakna lam le a hi puai. Zia chu ahi ta'k leh, banggual lungput in Lal nasepna in i kipan diam? Matthai 6:33 in ei hil chian hi, *"A gam leh a dikna chu hawl masa tau in; tichun, zia thil zosia chule piak belap in um in lau."* Jesu'n Pathian Lalgam leh dikna hawl masa'n ei ti a hi. Pathian kona dawng in, pawm in, kipumpiak le hin Lalpa'n i mamaw zosia ahia, a lopina leh hepina dungzui in a tamzaw in ei pethei a hi.

Kum 2016 in Thailand ah Global Conference khat

ah pang ding in chial ka hi. Ziana ah chun Organization khat ah Pathian in nasatak ah Thailand gam â ding ah a matchak hotu testimony leh nasepna report ka ngaitha. La nasepna field uh ka entha ut hi ka ti leh ei la lawp ma mai. A seppite khat tawh lenna leng in a um na lam khawpi un ka chia ua. Hun man pha tak ka matzaw un nikhat ka hung di kuan in la khanglaiteu teacher ding ah a hung ut ua leh la hung recommend nak ahi leh most welcome ahiu atia. Khanglaite a chia thei a um khak leh ti in, thil hetchian be ut in ti hin ka dawng ah, “A hung thei um taleu thakhat in sum bangzat la pe thei diam?” Zia ni ei dawnhuna chu Lal nasepna ka thagau lam mit ei su vak thak ah, chun ka lungput le nasatak mai in ei thengdanglam hial hi. “Ziagual chu la ti ahi leh Lal nasepna ahi pua, sepna muna lam i genna a hi!”

Zia i genna ziaak pen tak chu khanglaite’n banggual ah Lal nasepna hi i et uh ahi em? Lal nasepna hi kipak tak ah ei hukdampa i hinkhua pumpi kipumpiak ah a le thukna ahilo leh sum leh pai tha cheng ah muna ding ah sepna muna dan ah i lak diu ahem?

Pathian kona dawng in integral mission i gam ah a pawimaw ziaak in 2009 in Glocal Volunteers ka la pat gua lawipha khenkhat tawh. Ahin ka pa’n ei la lungkhampi mama ziang ah. A ziaak chu ei hechian mama sum leh pai leh seppi di Volunteers haw khawi ah kipat um di ahem ei tia. Thagau Thaingtho in ei hiatsak hi di ahia - ka lungthim in Abraham leh a chapa Thilsiam Thu 22 kha a hung kilang chian mama ziang hi. Ken le ka pa kiang in hiti hin ka dawnhu a hi – Lalpa tang ah umte chu aman pe ding a hi. Abraham leh a chapa le Pathian in a kona ta’ng a

HINNA VÂK

chu a chia ua leh zia mun a chun Lalpa'n a lopina a sulang ah, belamchal a pia khala ka tia. Kapa le a lungawi mama ei mawlzawl in ei pauchap piak a hi. Tuni tiang in Lalpa'n 'belamchal' a tang in ei pe zing a hi. Halleluiyah! Zia haw i vak gensauna ziaak pen chu khanglaite'n zia thagau thuguk hi i hiatchianu a pawimaw hi - *zia thil zosia chule piak belap in um in lau* a gam leh a fel na la hawl masak ua leh. Dan Bu 25:4 in a gen kha, "*Bawngchal in bu a chil lai in a muk kân kin*" a ti kha hia'n, Lalpa'n a Lalgam a Lalna la sepna mun a chun nangma mamaw di chu hung pe ngei ding a hi. Nang kikhawtua sang in a hun Siamtu in a hun lungsiat in khawtua zaw a hi. Ahin, piak ah la um lo ah, zia khawvel ahin mulo le chin le ginna ah Lalna la sepna chu Lalpa'n kumtuang ah a lawmman

hun pe tei di a hi.

3) *Thagau thilpiak lam ah kitathiam di*

1 Ko 12, 1 Pe 4:10, Rom 12:6-8 lak in Thagau thilpiakte i mu'u. Lalna la sepna ding ah thilpiak, Thagau thilpiakte hin nang ah Thagau in bang a hun pe em? Zia lul tak mai Thagau thilpiak hin kochuam leh Pathian lalgam â ding ah la matchak hi di a hi. Banggual ah zia tawh kisai in ki hetchianna la nei in, banggual in la tat hiam em, banggual in la mangcha em le?

4) *Taksa lam ah thiamna Degree nei di*

Tulai huinung i et leh Lal nasepna hi thagau lam degree bep hi a hun tawh talo hileh kilawm in a um hi. Mun tamzaw ahi technical leh secular degree haw hi a pawimaw mama hi. Taksa lam thiamna hi banggual la nei em? Banggual in Seminars, Trainings,

Certificates leh Diplomas haw in la kising sa em? Etsakna: Computer Course Certificate, Technical Course, Hospitality Certificate, Humanitarian and Development Certificate, Agriculture and Farming Course, Nurse Certificate, Business Course, Education and Teaching Experience, Volunteers Certificate, Counselor Course, etc. Zia i vak gen zia chu tulai ah Bible degree Certificate sang ah hung pawimaw zaw ding chu “secular” degree ah gamthim ah lut hi a hi.

5) *Mimal in bang ahem Lal Gam Nasepna la puak dawi di*

1 Korinth 7:17 in hiti’n a gen ah, *“Banghitaleh, Lalpa’n mi zosia a pui dan gual leh, Pathian in a kona gual chiat in um tau hen. Zia gual ah chun kochuam pawl zosia kiang in dan thu ka thung tai.”*

Pathian in a hun kona gual chu ahi leh nang mimal ah la puakdaw di lalgam ah um a hi. Bang ahem la danglam na? Bang ahem nang lunglut diak na? Bang ahem la thiam chuam diak na? Zia haw (la kalchawi – passion, talent, gifts and skill) chu la khangdawng laitak ah Pathian dawng kawm ah la hiatdaw ah la tat hiam di a hi. Zia haw mangcha Lal nasepna Pathian Lalgam le mite la malzawl na di thupipen khat hung hi di a hi. Ahin la khangdawng laitak ah zia haw ah la ki tat hiam lo a hi leh Lalgam ale ga tam tak sua zolo di la hi.

6) *Kochuam pawlam ah khawvel pumpi hi le Lal nasepna a hi*

Lalpa’n Tangphai Kochuam le ei malzawl to zel hi. Tu hun in vang Kochuam sung ah semtu di lak senlo i um thei tau hi. Tangphai Pastor di le tampi i hung um deu deu tau hi. Kum

HINNA VÂK

tam deu chiata ah EBC te in thilkhat a bawl uh hawi kasa ma ma hi. Lal nasem ding ah Bible Seminary ah ka training lai un ka lawite khat in amau vaiguan in ei chial ah. Zia chu ahi leh EBC sung ah Bible zil zosia â ding in a lawi upateu in hun a mat piu ah. Thil khat a gen un ka lung a khawi mama ziang ah – EBC mi leh sa Bible zillai tampi la um ua, EBC worker ding in Pastor, Missionary, Evangelist, Teacher, leh a dang dang ding in a hun ki dawi ma ma hi. Ahin, nang uh zosia â ding in EBC in mun leh panmun hun kibawl piak thei lo di a hi. Recruitment ah le tuni hungte hi a tamzaw mun awng lo di a hi. Ziak a chu khawvel Mission Field, Global leh National Organization leh mun dang dang in le Pathian in nang uh â ding in kawt hung hawn piak di a hi. Khawitak mun in um in Lalna sem leuchin le EBC

worker dan ah la ki ngai diu a hi. Nang uh tawh Partnership ah te leh thil dang dang in Lalna sêm khawm di ihu. EBC sung bep hi Lal nasepna ahi puai ti in a ki tâlkho in a ki kawk mu uh a hi. Zia i vak genna ziak pen tak chu, Pathian kona dawng ah Lal nasem ding ah kipedaw khanglaite a tamzaw in le Tangphai Synod sung ahi Lal nasepna leh panmun hun mulo di la hui. I Synod sung ah sep a pawimaw mama hi. Ahin la panmun ding uh le mun a awng lo ni hung um di a hi. Zia phat chu leh thasiatna hun la mat lo ding uh a hi. Gamthim Frontier People Groups India gam leh mun dang dang ah Lal nasepna tampi a um a hi. Jesu a ding ah lungthim thiag tak leh titakna tawh kipedaw te â ding ah chun Pathian gam ah mi val umlo a hi. Khenkhat in Tangphai sung pauchap na tawh thi'lzing kawm in, khawvel

pumpi ah Lal nasepna lam ding in le kipedawk thei leu hin ti hi chialna ka hun bawl ut a hi. Zia nang leh kei sepna mun chu ei Tangphai Synod ministry leh Mission Field himai di a hi.

7) *Khawvel pumpi tulai Lal nasepna dan (Global trend in Kingdom work)*

Khawvel pumpi tulai ah Lal nasepna zia gual lam ahin kitilkhona nasatak ah a chiathak lai tak a hi. Ei uh Khanglaite'n le pauchapna i ngaitua ding un pawimaw ka sa ma ma hi. Zia chu ahi leh" 1) Workplace ministry leh 2) Business As Mission te a hi.

Workplace ministry i ti phat leh nicheng ah i nasepna mun leh sum muna mun haw hi i Lal nasepna mun ahi ti ngaidan a hi. Civil service, Police, Teacher, Doctor, Nurse, NGO, Private leh Sawlkar ah nasepna

mun haw genna a hi. Lal nasepna hi i um na zosia leh na i sepna mun zosia hi a hi. Zia mun chu ei â ding ah gamthim leh Mission Field a hi. Pathian in zia lak leh mun ah chu Jesu Khrista hiatpitu leh Chanchinpha puanglangtu ding ah ei ko a hi ti lungput i nei a ngai hi.

Business As Mission i ti phat leh sum leh pai hawl, sum suk pun leh mi nasepna ding bawl piak hi Pathian na sepna pawimaw tak ahi ti hi a hi. Zia mun a chu Lalpa hiatpitu leh Chanchinpha puanglangtu hi ding ti hi a hi.

Etsakna: North Korea ah Lal nasepna ding ziagual hin a um hi:

Business lam ah, Medical Mission - Doctor leh Nurse lam, Teacher, English zilsaktu,

Humanitarian Worker, Tourism, Vision trip

HINNA VÂK

(Pauchap pum ah Khanglaite a group ah hun chawm khat va visit ding), etc.

3. Thukhakna

A tawpna pen ah khangliate'n i hiat ding ua pawimaw i sak chu ahi leh Kolassa 1:16 hi ahi: *"Ama ah chun thil bangkim, van ah umte, lei ah umte, mu theite, mu theilote, lalchutphate tawh, thuneinate le, bangkim ama â ding leh ama zia-*

ah siam ahi." Pathian in ama ding leh ama zia ah ei siam ahia. I khanglai hi sung ahin zia thagau thuguk chu hethiam in i hinna leh theina zosia in Lalpa na sem ding in ki pedawk in ki singsa hitiu. Khanglaite i kitîlkhona ut pen chu ahi leh - ginna leh kipumpiakna Lal nasem ding in kila'n leu hin, Pathian lopina, hepina, thilhitheina leh ginumna chu i hinkhuau ah mu to pek di i hiu.

THÎLNA

Nupan vengsung ah chenglut thak a um ua. Zingkal An a nek laitakua chun tukvel ah kipat a inkiang nu hulliap ah puan hung pho chu a vak mu, 'a puansawp chu le a thiag paw na e, puansawpna sabawn hawi deu neilo le a hi em?' ti'n a pawsal chu a vak ho ah, a pawsal chun limsak lo in bangma a gen puai. Nisin in a inkiang nu puanpho chu a sawisel zing sek a. Thakhat zaw ding vel a chun zingkal khat a inkiangnu puan pho thiag tak chu a mu in lamdang sa ma ma in a pawsal kiang ah chun, 'entia, puansawp dan a thiam ta khu, a puansawp a thiag tai, kua chun le a va hil a diam maw?' a tia. A pawsal chun, 'tuzingkal vaima deu in ka tho ah i tukvel glass ka va nawtthiang a hi' a tipiak hi.

MULAWKNA TAWH LALPA NASEP

(Isai 6:1-8)

~ Rev. T. Zuanlal
New Lamka (G)

Isai hin Pathian jawlnei hi ding in kona kichian tak a mu thu a chung ah Bible chang a hin i muu a hi. Zia Bible chang ah kipat hin thupi paguk ngaitua khawm hitiu.

1. Pathian ah kingak

Bible chang i simnau a hin, Isai in chunglam a en a, Pathian lopi zia a muna i muu ah (ch.1), chuleh Lengpa Uziah thina le i mu bawk hi. Uziah hi leng thupi tak a hia, ama hin a damsung in Pathian thu a mang a, ahin a thi ding kuan lam in thilphalo khengkhat a la hî kha a hi (2 Kh 26). Lengpa chun Isai in a hi zosia a za a, bangkim a septe a phal piak ah, chutichun Isai chu a kipak a, chutilawm lawm ah chun Pathian chu a buaipei beksetlo hi in a kilang a hi.

Pathian lungthim sang in le Lengpa lungthim hawl zaw hi in a kilang a hi. A zia chu taksa a pawimaw zosia Lengpa'n a piak zia in a hi. Lengpa a thiphath in Isai chun a lo theilo in Pathian lam a ngat a ngaita a hi. Chutichun Pathian van lopi tak um chu a muna ding in kawt a hung kihawng ta a hi. Kilakna/ Mulawkna (Vision) chu Pathian ah kipat a hi. Isai, Lengpa a kingak laisia Pathian lopina a muthei pua, ahin Pathian lopina bukim a mutheina ding a chun a lungthim a hung kisan phat in, van chu ama

HINNA VÂK

a ding in hawn piak a hung hita a hi. Tichun Pathian chu a mutheita a hi. Hun tamtak in ei hawn le Pathian lopina i mu nuam ua, maleh i muthei puau. Mihing ah i kingak laisau chu Pathian lopina muthei puai tiu in, he le hechian (*experience*) lo ding ihu.

Bible pumpi a hin a chang lailung (centre) pen chu Sam 118:8 na a hi, “Mihingte kisanpi (kimuanpi) sang in Lalpa bêl chu a pha zawi” atia. Zia chang hin ei hil nuam chu mihing/Lengpa kingalo ah, Pathian ah i kingak zawk ding a hi ti ei hil a hi. Ziagual a hin Pathian chu i hinnau ah hunglut in thilmak chu a hung kipan a hi.

2. Pathian umpina muntin in muthei hitiu

I Bible chang hun taklatna ngun tak ah i sui chun thil pathum zillai i muthei hi. Pakhatna chun – “A puansil mawngte chun

tempul sung a lua dim a” (ch.1), a panina chun “Vansawlchak (Seraphim) te chu a kiko ua (kidawngtua in)”, Lalpa lopina chun lei pumpi a lua dim hi” ti in (ch.2,3). A pathumna chun “a kiko thawm uh chun khuamte chu a kiling zo hial a, a insung chu meikhu’n a hung dimtai” atia. Pathian lopina chu bangtik hun inle i he (feel) thei uh a hi. Chuleh Pathian lopina chun bangkim a thunun/zothei hi ti i hiau a hi. Sam 34:7 na chun “Ama kichate chu a kimvel un Lalpa vansawlchak in a um kimvel hen, a hukhing sek hi” a ti gual in i umna taphawt a chun Pathian Angel a um a, i chiana tapo in a umpina’n ei zui in, Pathian in ei humbit a hi. Leng David in Sam 139:7-10 sung a genna a hin, Pathian chu khawitak mun ah le um, Van a, Shoel a, Tuisuagiat leh khawimun in a um a, khawitak mun

in umle hinle Pathian khutchanglam in ei tu det zing ngal ah ti in a gen a hi. Zia Sam in a gen nuam chu Pathian chu mun tin ah um a hi. Ahin ei haw mawpuakna chu Ama umpina hiatna kichian tak (experience) i neina pat in ama mel phat zia muthei hiti ung, kihopi thei hiti ung chuleh i kiang in thu gen leh le hethei ding ihiu. Hebrai 4:13 na a gen gual in thilsiam zosia a ma ang a kilang ding, i chanchin i tutna diu ama mitmu in ngawnchang leh kihawng sa kilang zing a hi' atia. Chuti chu a hi zia in thil bangkim i sep leh bawl a hin i pilvang ma ma diu a hi. Pathian chu i kiang in a um a, Angelte chun ei veng ua, ama'n i sep leh i bawl zosia a mu a hi ti ihiat diu a hi. Thim lak ah thil i hi nawp inle Pathian in ei mu zing a hi ti ihet zing di a hi. I kiang kim vel ah mite'n ei mulo maleu Pathian in ei mu zing a hi.

3. Mizosia hi Pathian mitmu ah migilo ihiu

I Bible chang simnau ah kipat in thil pani zil di a um hi. Khatna chun "Thil bangkim in Pathian ah i kinga ding a hi". A panina chun Pathian chu muntin ah um a hi. I thupi i hun taklat gual in Bible in migilo la hi eiti zinglai in eihaw chu thiangtho leh fel in i kingai ua. Rom 3:23 na chun mi zosia'n thil hikhial zia ah Pathian lopina chang zo talo a hi atia. Genesis 8:21 na chun "... mihing lungthim ngaituana chu a naupan lai ua kipat gilo ngen ahi ngal un" ti'n a gen a. I lungthim sualnau hi i pianpiu, i paidawk thei pua, thilpha le i semdawk theilo uh a hi. Pawlam a chun thiangtak in kivan maleu hingle, Pathian in mi thiangtho in ei pawmlo thei a hi. Ei haw hin Kochuam a ding in sum tam pi pi thaw in, nasep tamtak sem maleu hinle Lalpa ei mu dan chu i hina a danglam

HINNA VÂK

diaklo maithei hi.

Isai hi Pathian Jawlnei a hi ti ihiau ah, Pathian thu mite kiang in a gen hi. Pathian Aw le ahia (a ngaitha), Pathian a ding in Palai na a sem hi. Maleh Pathian lopina a mu tak zet chun chu, “Ka chung a gik na e! Muk thianglo ka hi, muk thianglo lak ah cheng ka hi, a mangthai chu ka hitai, ka mit in Lengpa Sepai hawnte Lalpa chu ka mu ta ngal in (ch.5) tin beidawng in a kiko zak/dawk a, mi sual a hizia a kihia a hi. Isai chu mite chun mithiangtho, sakhua mi in a ngai ua. Pathian thucha phuangtu chu mi thiangtho in a kingai a hi, maleh Pathian lopina a muphat in Pathian Jawlnei thupi tak chun muk thiangtholo kahi, mangthai ka hi ti in a kiko dawk mai hi. Ei hawle Pathian nasem, a mithiangtho ah kingai, a aw le hia, a thucha phuangtu le hi ah kingai,

maleh Pathian kilakna mulo thei a hi. Unaute, Isai gual ah Pathian lopina i pumpi (la pum ah) a hun tuam hun phat leh midang hilo, nangma mi buak/mi thiangtho, la hi lam tak he ding la hi. Zia thu hi tuni ahin nang kiang ah le gen a hi. La hinkhua hawitak in enthak (examine) in, la lunggil sual puandawlo umkha tawl ina. Khrista tawh la kitekaklo ah, la kiang kimvel mite tawh la kite kak a hi chun ama sang ah phazaw kingai khak a bailam a, ahin Khrista tawh i kitekak chun i hinna sualna umdan muthei hitin, puansia kidak um gual in kimu ding ihi (Isai 64:6). Tak chuleh Lalpa lopina muthei bep ding ihu.

4. Pathian in sual a kilatsak hi

I lunggil thuk tak ah sual kiselgu hi Pathian in a kilatsak ngallo leh ei hawn he dawk zolo ihu.

Lalpa umna i umphat tak uh leh i mitteu hung vak intin, mu theita ding ihu. I hinnau i lat phat uh leh, i nakhangteu hung vak intin, tak chuleh i lunggil ua soal kiselgu chu aman hun sulang ding a hi. Bang gitlona pen ahem i bawl uh? Ngaitua mai ah soal ihu em? Pathian ah pat Vision Isai kiang ah hung kilang chu a muk thianlona chu ahia. Pathian bep in i gitlona pen tak chu a hun sulang thei hi. Thu in ahem, nasep in, ngaitua in ahem, khut leh keng in ahem, i sa pumpi a hem in ihikhial thei hi. Matthai 5:30 ah a gen gual in gawtmun ah ichia sangin i tibâk pakhat paithak chu ei a dingin phazaw ding a hi. Isai in a muk thiango chu a pawm a, Pathian zangaina a dawng a hi. Pathian ma soal i simphat leh a hepina leh a zangaina chu a sulang a, Lalpa chu a ginum in, a thiango a, chutichun

ama'n i gitlonau zosia ei ngaidam in ei hithiangtho a hi (1 Jn 1:9). Isai gitlona ngaidam ah hithiangpa chun ei hawle ei ngaidam in ei hi thiango ina.

5. Pathian in lampi a siam

Pathian in soal ngaidamna lampi a siam chun a lampi jang a hi. Isai 6:6-7 sung ahin Isai soal ngaidamna ding ah Seraphim lak ah khat in suang meihawl âm, chu maicham a chaiche ah hun chep in, a muk a bi piak a zia chun, la bawl khialna zosia lak mang ahitan, la gitlona le ngaidam ahitai ti a gen piak hi. Soal zia ah kisik ah Pathian kiang ah i hing phat uh leh i sualnateu haisan dingin ei panpi a hi. Pathian in soal ngaidamna ding lampi a siam chu Jesu Khrista ma ma chu a hi. Ama Jesu Khrista chu zia khawvel ahin i gitlo man chu Kraws in a hung pe zota a hi. I gitlonau chu a thisan in a silthiang zotai.

HINNA VÂK

Tu hin chu Lalpa ei kona he taitiu. Ama chu vak ah a um gual in i um chun ama tawh kivawp zing in (Fellowship) um thei ta ding ihu.

Hindan thiangtho ah i hin phat uh leh Lalpa chun a na sem ding in ei ko ding a hi. A thagau thiangtho ah hihat in, a umpina ei piai, chun a vak ah chia ding in ei panpi a hi. Isai in Pathian a pat vision (kilakna) a mu phat in a buak dan a kimu, kisik ah Lalpan a sukthiantho phat

in, Pathian kona a dawnhu a, Lalpan mawpuakna a pia ngalta a hi. Tuhin ei hawle ama nasem ding in ei ko a, Pathian in a na sem ding ah a muan ngam ding chu i hitau a hi. Ahinla, i hinkhuau ama a ding ah i kihithiantho phat uh leh hithei bep ding a hi. Lalpan Isai kiang ah a hepina (grace) ah a na sem ding ah a phal piak gual in ei haw le ei phal piak ta hen. Tuni hin Lalpa kengbul ah kilan in Lalpa zia hin ka um hi, kei ei sawl in tilo ding ihu em?

Joseph kha a pi pindan ah khan kuama a um puai, Pathian mi a hina a kilang mai a hi. Danial te'n thina pumpel a gua diak puau, Pathian pui gual zel in a um tawp mai uh a hi kha. Thagau Thiangtho tun ngaktute kha, a ngak uh a tun khan a hangsansan ma ma tau kha. Amau ngai bep ah thudik hilo, Pathian thudik kha a hânsanpi ngal ui. Pathian dawidan bang a h'em ti kawm ah awlcha cha chiate hi Pathian Thagau pui, Thagau mi chu a hiu.

LOS ANGELES MEIKANG LEH SODOM & GOMORRAH

(Thl 19:12-13; Dnl 5:1-30)

~ Rev. K. Jama Vaiphei
S. Munnuam

Kum 2025 ah khawvel pumpi thawngsuak lungkhamna leh beidawnna tung zui ngal chu USA gam ah California State ah Los Angeles khawpi kîmvel leh a khawpi sung veng bangzat a h'em ah kângmei hung um chu a hi. California State chu America (USA) tumlam kai ah Pacific tuisuagiat tawh kigamgi a hi.

Zia gam a hin kum dang dang ah le kângmei kâllak lak leh a um sek a, himaleh tukum a hin a huaise pen nalai hi atiu.

1. Los Angeles chu banggual khawp a h'em?

Los Angeles khawpi minthannapen chuei India gam ah Bombay/Mumbai gual ah Cinema leh TV lampang ahia, a khawpi pam tuisuagiat sepho hawle nisa kiphona lam ah minthang a hi. Los Angeles

chu a lamchawm in LA le a kiti sek hi. California State sung ah khawpi zosia lak ah mi chengtamna pen le a hi. 2020 kum tiang a khan zia khawpi a hin mi 39,538,223 (Maktaduai sawmthum leh kua, nuai nga sing thum sanggiat zani leh sawmni leh thum) a cheng ui.

2. Los Angeles a kâk ma hin bang Programme khawpi a hin a um em?

January 5, 2025

HINNA VÂK

(Pathianni) khan Film Industry leh TV lamkai ah chawihawina sangpen 'The Golden Globe Award' hawinna Programme chu zia khawpi ah um, The Beverly Hillton Hotel kiti ah chun nei a hi. Zia na a Host (a puitu ei uh hiatthiam din) chu Nikki Glaser a hi. Ama hi mi suklam thiamtak hi dan a hi. Ahin, tuchung ah a bawl khial liantak pani hi ding ah mi ginchak chu:

- 1) Zia award dawngtute thugen kilakhawm kitakna Board ah chun Point chuam chuam kizik lak a chun, "Mi khat chan le Pathian bangkim hithei zia ah dawng ka hi" a ti puau hen, zia (Los Angeles khawpi) hi Pathian umlona khawpi ahi" ti a hi.
- 2) Panina chun, half zaw in Pope lukhuk gual gual a khuk in – Popular tina ding inle

Pop-Pular atii atiu. Kochuam musit leh engho hileh kilawm in gendan thiam tak in a gen hi. Ama mimal chung bek in Pathian zangai mai hen!

3. Gam kang nasat zia

Google report ah a kigen dan a chun 2023 kum khan California State a hin gua a zu nasa, thing leh lopa hawle a kek nasa mamai. Ahin, 2024 kum a khan khua a khal deu in, hampa keu a tam mamai atii. Zia zia chun meikang a hung um ngal phat a chun gamkang a nasa, khawpi le kangkai hi'n gen a hi. Zia bep chu hilo in hui hat "Santa Ana Winds" kiti dakkal khat a mel 70 ah hat a han zia in meiphel a hak ma ma hi ti a hi. Gam a kak phat leh hui a hung hang sek ah zia chun "Va bu chawi" (meitang kang) a siam a gamla pipi te a sep ah a kuangzak sak sek a hi. Zia gual a mei kuang leng

chun gamkang bep hilo in
In kang khat a pat Indang
bang le a kang kai bailam
hi. Tuchung Gamkang
chu a nasa tho hi. Lo ivat
ua i hal gual un gamlak
katna nung haw le Lo
halna nung gual in a kang
nam a thing tuai hawle a
kilaitan gual a kimtiang
tiang in a kangbawng ua,
mangvawm lai a i lo lai uh
a bang ziang hi. Ganhing,
zu leh va le a buai a tam
dan i muu! A chuti zing
lai a chun, khawpi sung
ah In khenkhat mei katlo
le a la um thei kit hawhin
Pathian bawl ngei hina ti
ginchakna a su lian mama
hi.

Sodom leh Gomorrah
gual ah thiltung a hi diam?
Kuama a dawnhu thei
umlo maleh, Golden Globe
Award dawng ding ah
chiakhawm mi minthang,

pawimaw leh hausa tamtak
chiakhawm te leh a host
nu paudan leh a kithuam
dan et in Nebukadnezar
chapa Belshazzar in a pa'n
Jerusalem apat Lalpa thil
thiangtho a hun lak a kawihe,
ki uang sak tak ah a miliante,
a zite leh a thaikemte tawh
zu dawnna ding ah a lakdaw
sak leh Pathian a lungna,
bang a khut bawm in "Mene,
Mene, Tekel Parsin" ti a hung
zik gual leh Sodom khawpi
ah chengte gitlona leh
thanhuaina a huaisiat bekset
phat ah Pathian lungnatna
a chung gel ua a tung a,
Babylon te Lalgam a puksia,
Sodom khawpi Mei leh kat in
a kaktum gual a kha thil hung
um le himaithei a hi ti chu
mi tamtak ginchak dan a hi.
"Pathian zangaina'n le phak
tawp a nei sek hi" tin Family
Study Bible in Sodom khawpi
kihalna ziaak a genna'n a gen
hi.

GUALZAWNA THUGUK PAUCHAPNA

~ *Upa Pauneimang*
Compound Veng

1. Leng Ahab kiang ah Elijah thugen: 1 Lengte 18:17 i sim a hileh Ahab in Elijah a mu phat in, Nang la hi maw Israelte sulungngaipa chu ti'n a gen ah, Elijah chun a dawnhu ah keiman Israelte ka sulungngai puai, la inkuanpite tawh Lalpa thupiakte nusia in Baal nung la zui tât zia in nang la hi a ti, zia zia chun, tuhin Karmel tâng ah Israelte zosia tawh Baal Thiampu zali leh sawmngate kha tawh Jezebel dawkan An nesek, Ashera Jawlnei zalite kha ei hun ko khawm piak in atia. Tichun, Ahab in Israel chate zosia kiang in mi a sawl ah, chuleh Jawlneite zosia chu Karmel tâng in a kokhawm tai.

Ziaphatchun Elijah in mipite chu a hun nai ah, lung vanglaktak ah bangchan chawm lumlet ding lahiu em? Lalpa chu Pathian a hileh Ama zui unla, Baal chu a hi zawk leh le zui tau in a tia. Mipite chun kamkhat inle a dawnhu puau hi. Elijah chun bang a gen tam i tileh mipite kiang in, kei keima bepcha hi Lalpa Jawlnei umsun ka hitai, himaleh Baal Jawlneite chu zali leh sawmnga hial

ahiu a tia. Jawlnei Elijah chun Bawngchal pani ei hun pedawk unla, amau in bawngchal pakhat kitel masaku hen zia chu semu henla thing chung ah chun kawiu henla, mei ah a hâllo diu a hi. Bawngchal khat zawk chu ken bawl ingkatin, thing chung ah chun kawi ingka tin a hinla, mei in hâl puangka.

2. Baal Thiampute pauchapna

Pathian mi Elijah thugen:
Nang un la pathian uh ko

unla, kenle Lalpa min chu ko ingka, meikuang ah hung kilâk chu Pathian tak chu hi di a hi a tia. Mipite zosia chun la gendik hi ti'n a dawnhu tau hi. Ziaphatchun Elijah in Baal Jawlneite kiang ah chun nangu a tam zaw lahiu in Bawngchal chu tel masau inla, bawl masau in, ziazaw chuleh la pathian uh ko unla, ahi'nla maicham chu mei ah la hallo diu a hi tin a gen hi. Amau chun Bawngchal a piaku chu la in a hung pauchap tau a hi. Tichun zingkal ah kipat sun chan in Baal pathian chu a ko tau ah, "Aw Baal Aw Baal ei dawnhu in" ti'n a kiko tau ah, himaleh awgit bangma a um pua, dawnhuna le a um diak puai. A maicham siamu kîmvel ah chun a kitiang vel ziang tau hi. Sûn a hung hi phat a chun Elijah in amau chu a hung engho ah, "Ngaitak in kiko un! Amale pathian khat a hi ngal a, a kilunggel laitak a h'em a ipmu phawttaw ngai a h'em hi'na," atia. Aw ngaitak in a kiko tau ah, a hi ngai sek gual un, chemjam

ten a ki-atliam ua, a taksau chun thisante pawt hial in a kihiliam tau hi. Sunnung a hung hita, nitaklam kithawina chikhat lat hun tiang in, a kipawngbawl ziang tau ah, himaleh dawnhuna leh awgit bangma a um diaklo phat in Elijah in mipite kiang in ei hun nai deu un tin a gen ah. Mipite chun a hung nai tau ah, Elijah chun maicham sukchip ah um tasa chu a siampha phawt a, suang sawm leh pani a la, suang ah chun Lalpa min in maicham a bawl tai. Maicham kîmvel a chun Buchi tena dim ni dawl di a cho kuak a, maicham thing chu kitup tak in a kawi ah, ama chun tuibel pali in tui va sungdim unla, halmang thillat chung leh thing chung a chun va buak un a tia. Bawngchal sa chu a semnel ah, thing chung ah a kawita, maicham kîmvel a chun thumvei hial tui a buak sak a, kuaksung zosia chu tui a dimsuak tai. Kithawina chikhat lat hun a chun Elijah in maicham chu a hung nai ta, "Aw Lalpa Abraham Pathian,

HINNA VÂK

Isak Pathian, Jakob Pathian nangma hi Israel ah Pathian lahia, keihi la suak ka hi ti leh, lei sawl ah zia thilte hi ka bawl a hi” ti tuni hin hung tâklang in, tin a pauchap a hi. Elijah pauchapna hin Pathian lung a sukha ten chu hin ah, a thu sâm a hin a kilangchian mama a hi.

3. Elijah maicham Pauchap-na’n a tup

Simtute zosian Elijah pauchapna hi ngaitua thak tiam hitiu. Ei dawnhu in Aw Lalpa ei dawnhu in, ziatak ah mipite hi nang in a lungthim teu la kihei sak a, nangma a hung hiat theina ding un, tiin a hung Pauchap ta a hi. Ziaphat chun Lalpa meikuang chun halmang thillatte leh a kîmvêl ah kuak sunga tui te leh leivui leh suang tiang in a kâng nâm ta a hi. Mi zosian ziate chu a mu phat un a mai ua leitual si in Lalpa chu Pathian a hi, Lalpa chu Pathian a hingei mai hi a ti ta’n a hi. Elijah chun a kiang un Baal Jawlneite chu

man unla, a lak un pakhat chale suakchak sak kiu in a tia, tichun a man ua Elijah in a pui ah, Kishon lui in a leng un a that gamtai.

Eiu gingtute i gam dinmun leh khawvel lian zawte en in, thil gi leh thil tung tehin Lal Jesu kamsuakte dikna ei mudawk sak in ei hiatchian sak a hi. Sawlchak Paul chun chawlllo in Pauchap zing un eiti a hi.

Kidemna lak lak ah kidemna sangpen Elijah leh Baal Jawlnei zali leh sawmngate kidemna ahin Pathian mihangsan Elijah chu a lawting ah, a maicham pauchapna thusâm ah chun Pathian vakilâk in Elijah Pathian chu Pathian tak a hizia a muu a hi. Baal thiampute zosia mualpho bep hilo in thagam siksek a hi nalai ui. Pathian lunglam hawl in a ma lungawi theina di khawp in Pauchap zing leu hin Lalpan lawtinna ei pe ding a hi. Lalpan a thu malsawm ta hen.

GINGTUTE TAKSA THIANTHONA

~ *Pu N. Neihsial*
Delhi

Bible ah i mu gualun Thianthona leh Thagau mitna gingtu pakhat hina a pawimaw masapen a hi. A pawimaw tawh kigûn in kithuhilna leh Biak-In thugennate'n kihiatlosak in a um sek hi. Taksa Thianthona pawimawna hechianlo in lungthim leh Thagau Thianthona di bep i gen kha sekui. A pani ah hin a kilang a hi puau ah, lampi khat ah chiakhawm di a hi zawu a hi. Lungthim chîm leh Thagau Thianthona chu i mimal taksa, sungkuan leh khawtâng hinkhua in a kilat di a hi. Zia teni kikal ah hin kizawpmat theilona a um sek zia in gingtu diktak hina dâl in thagau lam hinkhua susia'n i lungthim ngaituana a kiakniam sak sek hi. Khawvel pumpi sukha natna, Coronavirus kha i tuakkha tau a. Kochuam in le Pathian Thianthona tawh kituak ah taksa Thianthona hi le a hun ngaikhaw thak a pawimaw tai. Zia hi lungthim ah kawi in Kochuam mipite'n i bawl khak nailo a hi chun mimal, sungkuan leh khawtâng Thianthona leh i chawisan theina dingua bawl ngei ngei di khenkhatte chu a nuai ah gual hin.

1. Choka

Choka kiti hi insung â ding ah mun pawimaw tak khat a hi. Nek leh dawn siamna a hi zia in Insung taksa ah khanletna leh kitîlkhona mun a hi. Choka ah chun Inkuan nek leh dawn di kiningting a um theina

ding in nasatak in i sêngim sekui. Insung damtheina leh natna kipatna mun le a hi. An kihuan chu a thiantho ah, taksa â ding ah pha a hi ah damtheina tawh kituak a hi chun, insung mite chu a hisêlua khua leh vân kithen

HINNA VÂK

ziak ah nat theina chichuam chuamte ah kipat zalen in a bit thei sekui. A lelam ah chun thiangtho tak ah siam a hilo chun natna chichuam chuam sungkhaw, typhoid (khawsik), cholera leh a dang dang vei a bailam hi. Ziaziakchun, Insung hisel tak ah a um theina ding a chun Choka hisêl a pawimaw masa pêl hi.

1) *Choka ah kawi ding dawl thilte*

- a) Ankuang/mekuang neu/ no/glass no
- b) Choka matchâk pawimaw; choka chemcha, leh a dang dang
- c) Fridge a um thei ding chun
- d) Dining Table/ dining chair
- e) Tui filter-na
- f) Gas Connection
- g) Basket Anche me/thei/ kawina ding
- h) Anchang kawina ding
- i) Khut thekna ding puan thiang

2) *Choka ah kawilo ding thilte*

- a) Kengtaw/chapal/kihêlna thilte
- b) Puan âk-tawkâ/ puan/ gancha An piakna kuangte

- c) Kicheina samthi/ sam sathau/ mulmêtna thilte/ hâ nawtna brush leh a dang dang
- d) Munphiatna
- e) Lo bawl na thuam thilte leh thuam thil dang An huanna lam tawh kisailote
- f) Thil dang him him nêk leh châk bawl na ding ah phachuamlo leh choka thianthona subuak thei ding chu kawilo him him ding a hi.

Note:

- a) Metui/antui hawpna, spoon/thikkhe kikawplo ding
- b) Khutchâmtui kikawplo di
- c) A thei chan ah ankuang chuamchiat ah nek di.
- d) Nicheng ah i mat thuam thil leh i nêk leh dawnna munte chu thiangtho sit set ah kawi zing ding a hi.
- e) Ni vei mat h'in, thumvei mat sa hi ziang leh le thiangtho tak leh kitup tak ah kawi zing ding a hi.
- f) Nekchailo leh a khing umte zosia chu kitup tak ah paimang ziang ding a hia,

pailo dingte chu, i nêk kit ding phatleh suan lum leh suan so masat ah kawi tûp sek ding a hi.

- g) Choka kitup tak leh kilawm tak ah siam chu pawsal nâ a hia, An huante suna thei ding hui phalo a zamvellona ding ah hui phalo kithîtdawna di tukvel siam a pha'i. Tui thiàng lakna di leh tui phalo luandawna di kitup tak guan a pawimaw hi.

2. Bedroom/Lupna Pindan

Inkuan damtheina ding ah mun pawimaw dang khat chu lupnapindan a hi. Chawldamna di mun leh ni thak â ding ah kisakkhawl na mun a hi zia in tukvel kitup tak leh thadam tak ah um theina ding ah siam a ngai hi. Lup theina kham bep hilo in pindan kiningting deu a pawimaw hi.

1) Bedroom/Lupna pindan kawitheite

- a) Lupna: pakhat ahiloleh tamzaw
b) Puan khaina ahiloleh Almirah,
c) Kicheina dawkan chutna tawh

- d) Damdawi bawm
e) Mi pakhat ahiloleh pani chut theina (sofa)
f) Bible leh lekha simna di dawkan neu leh chutna
g) Tukvel ah Puanzak, a rawng thadam deu
h) Kawt ah Puanzak, zâ-um tak ah kichei.

2) Bedroom/Lupna pindan ah Kawilo dite

- a) Kengtaw/chappals
b) Munphi
c) Nekthei chi thil him him
d) Nasepna van/puan
e) Nasepna van matchak
f) Lupna pindan ah thosi leh ganhing hip thei di thil him him leh a kuang thei thil, petrol, kerosene leh a dang dange.

Notes

- a) Lupna pindan hi nisin ah phiat leh sukthian zing di a hi.
b) Chawlkal sin ah puanpha leh khapchakte hi sawp zing di a hi.
c) Phalbi puansil leh puante hi chawlkal sin ah nisa ah phodaw di.
d) Puan thiàng leh sawp

HINNA VÂK

zawte chu a kisawplote
tawh kawikhawmlo di.

- e) Tukvel/kawtte hi chawlkal
sin ah sukthian di.
- f) Tukvel leh kawt puanzakte
hi In kîmvel zil ah tha thum/
guk dan ah sawp sek di a hi.

3. Vântâng chutna pindan/ drawing Room

Pindan vântâng kiti chu
insung mite kipawlkhawm ah
hun matkhawmna mun a hia,
Insung kikhawp neina mun le a
hi. Inveng, lawipha leh malzin
lamtuana leh kipawlkhawm
pina mun a hi thei kit hi. Zia
ziak chun, a thiantho ah, a
zâ-um ah, thadam umtak a hi
di a hi. Insung mite hina leh
dawidan thilte chu zia pindan
etkawl dan ah kipat chun zin
leh lengte kiang in taklat a hi
sek hi. A letdan chu insung mi
zosia leh zin leh lengte dawl
di kham, neulo hilehle mawk
let talawlo a hi di a hi. Pindan
vântâng ah um ding ah kilawm
khenkhatte chu -

1) Kawitheite

- a) Chutna (Sofa set with
cushion) mi 3,5,7 ahiloleh

9 chut theina

- b) In jemhawi di (Decorative
frames/photos/paintings
etc)
- c) Chanchinbu kawina/Baibul
kawina
- d) Gihawi set/TV set
- e) Thil etlawm kawina/
Almirah
- f) Maizâp
- g) Pindan lailung dawkan,
lian talawlo, neu talawlo.

2) Kawilo dite

- a) kengtaw
- b) Munphi
- c) Kivanna puan him him
- d) Choka van him him.
- e) Lupna van.
- f) Chapang kihelna van.
- g) A kuang thei di thil him him.

Notes

- a) Vântâng chutna pindan
tuang chu nisin ah sukthian
di a hi.
- b) Leivui bekte nisin sukthian
zing di, TV/Music stands/
Almirah etc
- c) Puanzakte nisin ah hawn
leh khak di.
- d) Puanzakte khua leh van leh
In kîm leh kiang dinmun
dungzui ah tha thum/guk

dan ah sawp sek di.

- e) Inkam ah maizapte tha guk dan ah nipi masang leh nipi zaw ah sukthian di.
- f) Pindan gimtuina neizo i um leh zingkal sin ah kap sek di.

4. Zunbûk/Ekbûk/kisilna.

Mihing hinkhua hin zun leh ek leh kisilna munte hi nei ngei ngei ngai a hi. Insung mimal tinte hin nikhat ah nivei sang ah tawmzawlo mat tei tei guat di a hi. I khawtâng hinkhua a hin zia hi naksaklopen khat in a um ah, a diak ah thingtang khua ah te'n. Zia zia a hin tulaitak Modi sawlkar hin a bûk hilo ah mun awng khat taphawt ah zun leh ek thak sukbei a tup a hi. Diktak ah chun, zun leh ek haw hi pha tak ah kawidaw leh paimang sek di a hi. A chutilochun insung leh khawtang sukha thei di natna chichuam chuam hung kipatna bulpi a hi sek hi.

Eiu lak in zun buk leh ek buk a chuam gel in i siam sekua, a pani'n etkawllo ah um in natna hik hung kipatna a hi sek ah, chîndan phalo tak khat

a hi. A phapen chu zun leh ek thakna di kitup tak munkhat ah siamkhawm a hi. A hithei chan ah kizawpkhawm sak ah thiangtho tak leh kilawm tak leh a nuam thei ding pen ah siam di a hi. Ziagual a hin siam hileh -

- a) Tui mat a tawm theina ding ah zun leh ek thakna leh kisilna kigawm hileh, etkawl nawp ding
- b) Zun leh ek thakna leh kisilna ding ah lian huntawk
- c) A hithei chan ah suang leh cement ah kizim hileh
- d) Tuikai mat zing thei di kiningting
- e) Zun leh ek kikhawl na leh paidawna di kitup tak siam
- f) A kawt, tuang leh bângte chu sukthian nawp ding, a rawng kang lam deu hileh
- g) Hui thiang hung lutna di hawitak siam a ngai hi
- h) Khut sawpna di (basin/sink) a um di
- i) Sun leh zan ah mat thei di meivak a um di.
- j) Hik phalo thana damdawi tui kawi di.

HINNA VÂK

Notes

Bangti lehle nisin ah sukthian zing ziang di a hi.

5. Biak-In/Church

I khawtang leh a pun ah hinkhawmna ah hin Insungzaw chet ah kizilna mun pawimaw pen chu Biak-In a hi. Kochuam mipite'n chawlkal khat sung ah ngavei bek i chiana mun a hi. Thagau lam ah kizilsakna khêl lam ah i chawndan leh hina lultakte khangthakte lungthim ah tûdetna mun a hi. Taksa leh Thagau ah kizilsakna mun a hi ziak in Kochuam mangcha'n taksa thianthona leh khawtang thianthona lam hi le genkhawm sek a pawimaw ma ma hi. Mawl tak ah vak gen ding in Kochuam chu khawtang â ding chawndan phalo leh kituplogual munpi hi ding in i phal pua, Bible ah i mu gual in Pathian in ei phût leh dawigual ah mimal tin in umchan pha leh kitup a zildawna mun leh kithununna mun hi ding in i dawi a hi. Zia haw chu lungthim ah kawi pum in gingu khat in a zui di leh chawisan ding ah pawimaw

khenkhat ziate hi a hi -

- a) Pathian biakna mun zâ dan thiam: pulpit, chutna leh dawkan chawn lumletlo di
- b) Kochuam mipite â di chutna
- c) Puanzâk leh tukvel. Kawt, kêlkawt, van matchak kawina pindan.
- d) A kîm leh kiang, a hungsung bang, a zawtna lampi.

1) Mimal thianthona leh kikhawm ding ah kicheina

- a) Kikhawm ah chia masang ah Kisilthian, kamsung sukthian, kizutmam leh a dang dangte bawl zing di a hi.
- b) Kikhawm ah chia masang ah Nîk leh puan kivanna di sawpthian leh tamam di.
- c) Kengtaw sukthian di.
- d) Ngawng-aw (tie) ahiloleh a kilawm thei di pen.
- e) Kamsung leh muk ah thil kilawmlo umsaklo di.

2) Biak-In huang

- a) Biak-In huang leh kîmvel Pathianni zingkal sin ah phiat di.
- b) Huangsung cheina thing no, thaichi leh pakcha

- chuam chuam ah chei di.
- c) Tui kai dawn di leh kisukthianna di Kochuam mipite mat ding ah kawi di.
- d) Kochuam mipi mat di kiningting zun leh ek thakna di.
- e) Thanmual tawh kigamlalo thei leh pha sem nalai in a.

Notes

Kochuam Upa leh Pastorte phalna dungzui ah biakna mun sugimtui di thil gimtui hal thei hileh.

7. Mimal thianthona

Inkuan ah mimal tinte'n mimal thianthona hi nasatak ah i ngaisak thak lo chun a chung ah kigen zosia hi umzia bei hi di a hi. Zia mimal thianthona chu ziagual hin a huaplilan zaw'n khen thei in a -

- a) I chîn zawngsakte
- b) I nei leh go leh sil leh chên-te.

I chîn zangsakte ti ah hin nisin kisil, an nek masang leh nek zaw ah khut sawp, ha nawt, ek thak hun kitup nei, lupna pindan leh pindan vântâng lut ding ah chîndan

pha zawngsak (ei In beplo midang In ah le), An nekna dawkan ah umchan pha leh a dang dang. Etsakna'n dakkal 24 sung ah chu khatvei bek kisil a pawimaw khawpmai hi. Khut nasemte chun nitak lam in kisil intiu in, a dangte'n zingkal An nek masang in kisil thei sek a hi. Ziagual ma chun ha nawt hile zing leh nitak ah bawl hi a phai.

Sil leh chên chungchang ah chun puanak nuai leh tawka nuaite bêk hi nisin ah then leh sawp sek a pawimaw hi. Zia zia tak ah chu nisin ah then thei ding puanak nuai leh tawka nuai i kivanna dangte sukhalo di i nei leh chawichîn a hi. Ziagual ah chu thil dang le ha genlo ah le mimal in i hiat ziang di tampi um in a.

A dik tak ah chun eima mimal thianthona hi hawitak ah i kepbit phatleh midangte ei muna le sang intin, ei entawn intinu, melhawi leh etlawm zaw ah tu ah i kilat dan sangua kilang di ihui.